



Ilaqutariinnermut Inatsisillu
Atortinneqarnerannut Naalakker-
suisoq
/Maani

Ulloq: 19. november 2013
J.nr.: 01.33.03-00019

UKA 2013/74: Inunnik najugaqarfigineqartuni aallaasersornerit Kalaallit Nunaani pinerluttulerinermik inatsisip ataani inissisimalersinneqarnissaat, tamatumani inatsisit unioqqutinneqarnerini pineqaatissiisalernissat aammalu aallasersornermi aallaasit atorineqartut arsaarinnissu-tigineqartalernissaanik Naalakkersuisut Danmarkip Naalagaaffianik isumaqatiginninniarnissamik aallarniinissaat Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.

Oqaluserisassaq qulequttami pineqartoq, ulloq 27. november 2013 aappassaaneerinninissamut isumaliutissiissusiugassanngorlugu, ulloq 7. november 2013 Inatsisinut Ataatsimiititaliamut innersuussutigineqarpoq.

Inatsisinut Ataatsimiititaliap siunnersuummik suliaqarneranut atatillugu apeqqutinut ukununga akissutinik ataatsimiititaliaq qinnuteqassaaq:

Apeqqu 1:

Naalakkersuisut akissuteqaatiminni oqaatigaat Ilaqutariinnermut Inatsisinillu atortitsinnermut Naalakkersuisoqarfiup ataani Kalaallit Nunaanni pinerluttulerinermi inatsimmik Kalaallillu Nunaanni eqqartuussisarnermut inatsimmik tunngaviusumik misissuisitsinissamut 2014-imut aningaasanut inatsimmi atorfinnik marlunnik pilersitsinissamut aningaasanik immikkoortitsisoqarsimasoq. Suliamut tassunga atatillugu najugaqarfiusuni aallaasersornermut malittarisassanik allanngortitsinissap ilanngunneqarnissaata pissusissamisoornera Naalakkersuisunit oqaatigineqarpoq.

Tassunga atatillugu inatsisinik atortitsinerup iluani periusissatut pilersaariusiamik suliaqarnermi piffissamik atuinissaq pillugu nassuiaanneqarnissamik Inatsisinut Ataatsimiititaliaq kissaateqarpoq. Tassani aamma periusissatut pilersaarutip qaqugu piareernissaa Naalakkersuisunit ilimagineqarnerisooq kiisalu qaqugu Eqqartuussisarnermut inatsisimmik Pinerluttulerinermullu inatsimmik allannguutissatut siunnersuummik Inatsisartunut saqqummiussisoqarnissaa ilimagineqarnerisooq.

Apeqqu 2:

Aalajangiiffigisassatut siunnersuutit 2012-umi akuersissutigineqartut Kalaallillu Nunaanni Pinerluttulerinermi inatsimmik allannguinerimik nassataqartussat suliarineqarnerisa killiffii paaserusunneqarput:

- A) UPA12/134 Nunatsinni inuiaqatigiinnik kiffartuussinerup tiimit eqqartuussummut utaqqisitaasumut piumasaqaatit 240 timiniik 300 timinut annertunerpaaffianik anner-tusinissaa anguniarlugu Naalakkersuisut Danmarkimi Justitsministerimut saaffigin-neqqullugit peqquneqarnissaannik Inatsisartut aalajangiiffigisassaattut siunnersuut.
- B) UKA12/31 Suliassat meeqqanik kinguaassiuutitigut atonerluinermut tunngasut pisoqalisinnaannginnerannik qulakkeerisumik Kalaallit Nunaanni pinerluttaalisitsine-rmut inatsisimmi § 12-p imaanik allanngortitsitsi-nissaq siunertaralugu Inatsisinik Atortitsinermut ministeri siunner-suummik saqqummiusseqqullugu qinnuigineqarnis-saa pillugu, Naalakkersuisut peqquneqarnissaannik Inatsisartut aalajangi-iffigisassaattut siunnersuut.

Apeqqutinut qulaani pineqartunut akissuteqaatinik – kalaallisut danskisullu allassimasunik - tamanna ajornanngippat, kingusinnerpaamik **sisamangorneq 21. november 2013** ata-atsimiititaliap tigusaqarnissani qinnutigissavaa. Tamanna siunnersuutip aappassaaneer-neqarnissaata 27. november 2013-imut ullulernerqarsimaneranik peqquteqarpoq. Akissuteqaatip qarasaasiakkut rikke@inatsisartut.gl-imut nassiunneqarnissaa qinnutigi-neqarpoq.

Inussiarnersumik inuulluaqqusillunga


Anders Olsen

Inatsisinut Ataatsimiititaliami Siulittaasoq